

ଯୋହନଙ୍କ ଲିଖିତ ପ୍ରଥମ ପତ୍ର ଯୋହାନ୍ ଅଲ୍ଲାକାଦ୍ ପାହିଲା ଚିଟାଉ ପାରିଚାଏ

ଯୋହାନ୍‌ଆଃ ପାହିଲା ଚିଟାଉ ଯାହା ଖ୍ରୀଷ୍ଟିଆଃ ଜାନାମ୍ ତାୟମ୍‌ତେ ୫୦ – ୧୦୦ କରେ ପ୍ରେରିତ୍ ଯୋହାନ୍‌ଆଃ ହରାତେ ଅଲ୍ଲାକାନା । ଯୋହାନ୍ ଆଇଃକ୍‌କେ ଅନଲ୍‌ନିଃ ଲେକା ପାରିଚାଏ କାଏ ଏମ୍, ମେନ୍‌ଦ ପାହିଲା ଆଧ୍ୟାୟରେ ଇନିଃ ଯାହା ଖ୍ରୀଷ୍ଟିଆଃ ଜୀଦାନ୍ ଆତଃ ଜୀଉବିନିରିଦ୍‌କେ ମେଦ୍‌ତେ ନେଲ୍ଲାକାଦ୍‌ନିଃ ତାନିଃ ମେନ୍ତେ ସାରିୟଃତାନା ୧:୧-୩ । ପାହିଲା ଯୋହାନ୍‌ରେୟାଃ ଅନଲ୍ ତାରିକା, ଯୋହାନ୍ ଅଲ୍ଲାକାଦ୍ ସୁକୁକାଜିରେୟାଃ ଅନଲ୍ ତାରିକାଲଃ ମିଦ୍‌ଜକା ଲେକାଗି ନେଲ୍‌ଃଆ । ନେଆଁ ବିଶ୍ୱାସଃ ତାନା ଯେ, ଇନିଃ ଏଫିସୁସ୍‌ରେ ତାଇକେନା ଇମ୍‌ତା ଯୋହାନ୍ ଅଲ୍ଲାକାଦ୍ ସୁକୁକାଜି ଆତଃ ଯୋହାନ୍‌ଆଃ ଆପିୟା ଚିଟାଉ ଅଲ୍ଲାକାଦାଏ, ଏନା ହବାଅଃତାନା, ୧ ଯୋହାନ୍, ୨ ଯୋହାନ୍, ୩ ଯୋହାନ୍ ।

ସେଣ୍ଡାନ୍‌କ ମେନ୍ତେ କାଜିୟଃତାନ୍ ଝୁଣ୍ଡରେନ୍ ହଡ୍‌କ ହରାତେ କାଲିସିୟା ସାଙ୍କାଟ୍‌ରେ ତାଇନଃ ତାଇକେନ୍ ଦିପିଲିରେ ଯୋହାନ୍ ସବେନ୍ ଖ୍ରୀଷ୍ଟିୟାନ୍ ହଡ୍‌କକେ ନେ ଚିଟାଉ ଅଲ୍ଲାକାଦ୍‌କ ତାଇକେନାଏ । ଇନ୍‌କୁ ବିଶ୍ୱାସାଃକ ଯେ, ଯାହା ସାର୍‌ତିଗି ପୁରା ପାର୍‌ମେଶ୍ୱାର୍ ତାନିଃ, ମେନ୍‌ଦ ଅତେଦିଶୁମ୍‌ରେ ତାଇକେନ୍ ଦିପିଲିରେ ଇନିଃ ମାୟୋମ୍, ମାସ୍ ହଡ୍‌ମରେନ୍ ସାର୍‌ତି ମାନଃ ହଡ୍ ନାହାଁଲିଃ । ଯୋହାନ୍ ଯାହା ଖ୍ରୀଷ୍ଟିକେ ମେଦ୍‌ତେ ନେଲ୍ଲାକାଇନିଃ ତାନିଃ ଆତଃ ଆୟାଃ ତିଃଇ ଯାହାକେ ଜୁଟିଦ୍‌କାଇ ହରାତେ, ଇନିଃ ନେଆଁ ଅଲ୍ଲାକାଦାଏ ୧:୧-୩ । ଯୋହାନ୍ ଆୟାଃ ରାସ୍‌କାକେ ପୁରାଏତେୟାଃଗି ନେ ଚିଟାଉ ଅନଲ୍‌ରେୟାଃ ଉକେଶ୍ ତାନାଃ ୧ ଯୋହାନ୍ ୧:୪, ଆତଃ ବିଶ୍ୱାସୀକକେ ପାପ୍ କାମିହେତେ ହକାକ ନାଗେନ୍ତେ, ୧ ଯୋହାନ୍ ୨:୧ ଆତଃ ହସଡ୍ ଇନିଦୁହେତେ ବିଶ୍ୱାସୀକକେ ବାଞ୍ଛାଅକ ନାଗେନ୍ତେ ୧ ଯୋହାନ୍ ୨:୨୬ ଆତଃ ଏନ୍ ବିଶ୍ୱାସୀକ ବାଞ୍ଛାଅକାନାକ ଏନା ସାର୍‌ତି

ତାନାଃ ମେତ୍ରେ କାଜିକନାଙ୍ଗ୍ ୫:୧୩ ।

ପୁଅ ଭିତରରେ ତାଇକାନ୍ କାଜି

୧. ଯୋହାନ୍ ଆୟାଃ ଚିତାଉରେ ପାରିତାଏ ଉଦୁବକେଦ୍ତେ ଅନଲ୍‌ରାଃ ଉଦେଶ୍ ଅଲାଇକାଦାଏ । ୧:୧-୪
୨. ପାର୍‌ମେଶ୍‌ବାର୍ ମାର୍ସାଲ୍ ତାନିଃ ଏନା କାଜିକେଦ୍ତେ ଯୀଶୁଆଃ ଲେକା ଜୀଦାନ୍ ବିତାଅ ନାଗେତ୍ରେ କାଜିୟାଃ । ୧:୫-୩:୧୦
୩. ମିହୁଡ୍ ଆତଃମିହୁଡ୍‌କେ ଦୁଲାଡ୍ ବିଷାଏରେ ଆବୁକେ ପାହାମ୍‌ଇଚିବୁ ତାନା । ୩:୧୧-୫:୧୨
୪. ଯୋହାନ୍ ଆୟାଃ ଅନଲ୍ ଅଲ୍ ଚାବାକେଦାଏ । ୫:୧୩-୨୧

ଜୀନିଦ୍‌ରାଃ ବାଚାନ୍

୧ *ଆଲେ ଅତେଦିଶ୍‌ମ୍‌ରାଃ ଏନେଚେଦ୍ ସିଦାରେ ତାଇକାନ୍ ଏନ୍ ଜୀଦାନ୍ ବାଚାନ୍ ବିଷାଏରେ ଉଦୁବତାନା, ଅକ୍‌ନାଃକେଚି, ଆଲେ ଆୟୁମାକାଦା, ନେଲାଇକାଦା, ନେଲ୍‌ବାଇକାଦା, ଆତଃ ଡିଃଇତେଲେ ଜୁଚିଦାକାଦା । ୨ *ଏନ୍ ଜୀଦାନ୍ ବାଚାନ୍ ଉଦୁବେନ୍‌ୟାନା, ଆତଃ ଆଲେ ଏନା ନେଲ୍‌କେଦ୍ତେ ଗାଞ୍ଜା ଏମ୍‌ତାନଲ୍‌ଃ କାଜିତାନାଲେ, ଅକନ୍ ଜାନାଅ ଜୀଦାନ୍ ଆପୁ ପାର୍‌ମେଶ୍‌ବାର୍‌ଲ୍‌ଃ ତାଇକେନା ଆତଃ ଆଲେତାଃରେ ଉଦୁବେନ୍‌ୟାନା, ଏନ୍ ବିଷାଏରେ ଆପେକେଲେ ଉଦୁବତାନା । ୩ ଆଲେ ଅକ୍‌ନାଃ ନେଲାଇକାଦ୍‌ତେୟାଃ ଆତଃ ଆୟୁମାକାଦ୍‌ତେୟାଃ ଆପେକେୟ ଉଦୁବପେତାନାଲେ, ଜେ'ଲେକାଚି ଆପେୟ ଆଲେୟାଃ ମେନେସାରେ ମେସାଦାଡ୍‌ୟାଃଆପେ, ଆତଃ ଆଲେୟାଃ ମେନେସା ଆପୁ ପାର୍‌ମେଶ୍‌ବାର୍ ଆତଃ ଆୟାଃ ହନ୍ ଯୀଶୁ ଖ୍ରୀଷ୍ଟଲ୍‌ଃ ମେନାଃ । ୪ ଆବୁଆଃ ସୁକ୍ରାସ୍‌କା ପୁରାଅଃକା ମେତ୍ରେ ଆଲେ ନେ ସବେନାଃ ଅଲେତାନାଲେ ।

ପାର୍‌ମେଶ୍‌ବାର୍ ମାର୍ସାଲ୍ ତାନିଃ

* ଆଲେ ପାର୍‌ମେଶ୍‌ବାର୍‌ଆଃ ହନ୍‌ତାଃଏତେ ଆୟୁମାକାଦ୍ କାଜିକେ ଆପେକେ ଉଦୁବପେତାନାଲେ, ଏନା ନେଆଁ ତାନାଃ, ପାର୍‌ମେଶ୍‌ବାର୍ ମାର୍ସାଲ୍ ତାନିଃ ଆତଃ ଇନିଃରେ ଜେତାନ୍ ନୁବାଃ ବାନଆଃ । ୨ ଇନିଃଲ୍‌ଃ ଆବୁଆଃ ମେନେସା ମେନାଃ ମେତ୍ରେ କାଜିକେଦ୍ତେ

☆ ୧:୧ ୧:୧ ଯୋହାନ୍ ୧:୧. ☆ ୧:୨ ୧:୨ ଯୋହାନ୍ ୧:୧୪.

ନୁବାଃରେରୁ ତାଈନଃତାନ୍ ରେଦ ଆବୁ ହସଡ଼ ତାନ୍‌ରୁ, ଆଡଃ ଆବୁଆଃ ଜାଗାରରେ ଆଡଃ କାମିରେ ସାନାରୁତି ବାନଆଃ । ^୭ ମେନ୍‌ଦ ପାର୍‌ମେଶ୍ୱାର୍ ମାସ୍କାଲ୍‌ରେ ମେନାଈ ଲେକା ଆବୁହ ମାସ୍କାଲ୍‌ରେ ମେନାରୁରେଦ ଆବୁଆଃ ମେନେସା ମିହୁଡ଼୍ ଆଡଃମିହୁଡ଼୍‌ଲଃ ମେନାଃ ଆଡଃ ଈନିୟାଃ ହନ୍ ଯୀଶୁ ଖ୍ରୀଷ୍ଟ୍ ଆଃ ମାୟୋମ୍ ସବେନ୍ ପାପ୍‌ହେତେ ଆବୁକେ ଫାର୍‌ତିରୁଆ ।

୮ ଆବୁରେ ପାପ୍ ବାନଆଃ ମେନ୍ତେରୁ କାଜିରେଦ, ଆବୁ ଆବୁଗି ବେଦାନ୍‌ତାନାରୁ, ଆଡଃ ଆବୁତାଃରେ ସାରୁତି ବାନଆଃ । ^୯ ମେନ୍‌ଦ ପାର୍‌ମେଶ୍ୱାର୍‌ତାଃରେ ଆବୁ ପାପ୍‌କାଦାବୁ ମେନ୍ତେ ମାନାତିଙ୍ଗ୍‌ଲେରେ, ଈନିଃ ଆବୁଆଃ ପାପ୍‌କ ଛାମା ଏମ୍ ନାଗେନ୍ତେ ଆଡଃ ସବେନ୍ ଏଡ଼କାନ୍‌ଆଃଏତେ ଫାର୍‌ତିରୁ ନାଗେନ୍ତେ ପାତିୟାର୍‌ରଃ ଲେକାନ୍‌ନିଃ ତାନିଃ ଆଡଃ ଠାଡ଼କାନ୍‌ତେୟାଃଗି ରିକାଏୟା । ^{୧୦} ଆବୁ କାବୁ ପାପ୍‌କାଦା ମେନେରେଦ, ଆବୁ ପାର୍‌ମେଶ୍ୱାର୍‌କେ ହସଡ଼ନିଃ ମେନ୍ତେରୁ ମେତାଈତାନା, ଆଡଃ ଈନିୟାଃ କାଜି ଆବୁରେ ବାନଆଃ ।

୨

ୟୀଶୁ ଖ୍ରୀଷ୍ଟ୍ ଆବୁଆଃ ଦେଙ୍ଗାନିଃ

^୧ ହେ ଦୁଲାଡ଼୍ ହନ୍‌କ, ଆପେ ପାପ୍ କାମି ଆଲପେ ରିକାଏ ମେନ୍ତେ ଆଇଙ୍ଗ୍ ନେ କାଜିକ ଆପେତାଃତେଇଙ୍ଗ୍ ଅଲେତାନା । ମେନ୍‌ଦ ଜେତାଏ ପାପ୍ କାମି ରିକାଏରେଦ, ଆବୁ ନାଗେନ୍ତେ ଆପୁ ପାର୍‌ମେଶ୍ୱାର୍‌ତାଃରେ ବିନ୍ତି ନାଙ୍ଗ୍ ମିଆଁଦ୍ ଦେଙ୍ଗାନିଃ ମେନାଈୟା, ଈନିଃ ଧାର୍‌ମାନ୍ ଯୀଶୁ ଖ୍ରୀଷ୍ଟ୍ ତାନିଃ । ^୨ ଆଡଃ ଯୀଶୁ ଖ୍ରୀଷ୍ଟ୍ ଆଇଃକ୍‌ଗି ଆବୁଆଃ ପାପ୍ ଛାମା ନାଗେନ୍ତେ ଏସକାର୍ କାହା, ମେନ୍‌ଦ ଗଟା ଅତେଦିଶୁମ୍‌ରେନ୍ ହଡ଼କଆଃ ପାପ୍ ଛାମା ନାଗେନ୍ତେ ଦାଣ୍ଟି ରାକାବ୍‌ୟାନା ।

^୩ ଆବୁ ପାର୍‌ମେଶ୍ୱାର୍‌ଆଃ ହୁକୁମ୍‌କେ ମାନାତିଙ୍ଗ୍‌ରେଦ, ଈନିଃକେରୁ ସାରିୟା । ^୪ ଆଡଃ ଈନିୟାଃ ହୁକୁମ୍ କା ମାନାତିଙ୍ଗ୍‌କେଦ୍‌ତେ, ଈନିଃକେଇଙ୍ଗ୍ ସାରିୟା ମେନ୍ତେ କାଜିନିଃ ହସଡ଼ ତାନିଃ ଆଡଃ ଈନିଃରେ ସାରୁତି ବାନଆଃ । ^୫ ମେନ୍‌ଦ ଜେତାଏ ଈନିୟାଃ ବାଚାନ୍‌କେ ମାନାତିଙ୍ଗ୍‌ରେ, ଈନିଃତାଃରେ ପାର୍‌ମେଶ୍ୱାର୍‌ଆଃ ଦୁଲାଡ଼୍ ସାରୁତିଗି

ପୁରାକାନ୍ଦା । ନେ'ଲେକାତେ ଆବୁ ଇନିଃରେ ମେନାବୁଆ ମେନ୍ତେବୁ ସାରିତାନା ।^୭ ଜେତାଏ ପାର୍ମେଶ୍ୱାରଲଃ ତାଇନ୍ ତାନାଇଙ୍ଗ୍ ମେନ୍ତେ କାଜିନିଃ, ଯୀଶୁ ଖ୍ରୀଷ୍ଟ୍ ଲେକା ଜୀଞ୍ଜାନ୍ ବିତାଅ ଲାଗାତିଙ୍ଗ୍‌ୟାଃ ।

ନାଞ୍ଜା ଆନାରୁ

^୭ ☆ ହେ ଦୁଲାଡ୍, ହାଗା ମିଶିକ, ଆଇଙ୍ଗ୍ ଆପେତାଃତେ ନାଞ୍ଜା ଆନ୍‌ରୁଦ କା ମେନ୍‌ଦ ମୁନ୍‌ଏତେ ଆପେତାଃରେ ତାଇକେନ୍ ମାରି ଆନ୍‌ରୁକେଗିଇଙ୍ଗ୍ ଅଲେତାନା, ଆପେ ଆୟୁମାକାଦ୍ କାଜି, ଏନ୍ ମାରି ଆନ୍‌ରୁଗି ତାନାଃ ।^୮ ଏନ୍‌ରେୟ, ଆଇଙ୍ଗ୍ ଏନାକେ ନାଞ୍ଜା ଆନ୍‌ରୁ ଲେକାଇଙ୍ଗ୍ ଅଲେତାନା, ଏନାରେୟାଃ ସାର୍‌ତି, ଯୀଶୁ ଖ୍ରୀଷ୍ଟ୍‌ରେ ଆଡ଼ଃ ଆପେରେହିଁ ନେଲଃଆ, ଚିୟାଃତି ନୁବାଃ ସେନଃତାନା ଆଡ଼ଃ ସାର୍‌ତି ମାର୍‌ସାଲ୍ ଚାମକାଅଃ ତାନା ।

^୯ ଜେତାଏ ମାସ୍ତାଲ୍‌ରେନ୍ ତାନିଙ୍ଗ୍ ମେନ୍ତେ କାଜିକେଦ୍‌ତେ, ଆପ୍‌ନାଃ ହାଗା ମିଶିକକେ ହିଲାଇଙ୍ଗ୍‌କ ତାନ୍‌ରେଦ ଇନିଃ ନାହିଁଃ ଜାକେଦ୍ ନୁବାଃରେ ମେନାଇୟା ।^{୧୦} ଜେତାଏ ଆପ୍‌ନାଃ ହାଗା ମିଶିକକେ ଦୁଲାଡ୍‌କ ତାନ୍‌ରେଦ, ଇନିଃ ମାସ୍ତାଲ୍‌ରେନ୍ ତାନିଃ ଆଡ଼ଃ ଇନିଃ ଜେତାଲେକାତେ କାଏ ତହଦଃଆ ।^{୧୧} ମେନ୍‌ଦ ଜେତାଏ ଆପ୍‌ନାଃ ହାଗା ମିଶିକକେ ହିଲାଇଙ୍ଗ୍‌କରେଦ, ଇନିଃ ନୁବାଃରେ ମେନାଇୟା, ଆଡ଼ଃ ନୁବାଃରେ ସେନେତାନା ଆଡ଼ଃ କତେ ସେନଃତାନା ଏନା କାଏ ସାରିୟା ଚିୟାଃତି ନୁବାଃ ଇନିୟାଃ ମେଦ୍‌କେ ନୁବାଃକାଦା ।

^{୧୨} ଏ ହନ୍‌କ, ଆଇଙ୍ଗ୍ ଆପେତାଃତେଇଙ୍ଗ୍ ଅଲେତାନା, ଚିୟାଃତି ଆପେୟାଃ ପାପ୍‌କଦ୍ ଯୀଶୁ ଖ୍ରୀଷ୍ଟ୍‌ଆଃ ନୁତୁମ୍‌ତେ ଛାମାକାନା ।^{୧୩} ହେ ଆପୁକ, ଆଇଙ୍ଗ୍ ଆପେତାଃତେଇଙ୍ଗ୍ ଅଲେତାନା, ଚିୟାଃତି ଆପେଦ ଅତେଦିଶ୍ୱମରାଃ ଏନେଟେଦ୍ ସିଦାରେ ତାଇକେନ୍‌ନିଃକେପେ ଇତୁଆନା । ଏ ସେପେଡ୍‌ଡ୍‌କ, ଆଇଙ୍ଗ୍ ଆପେତାଃତେଇଙ୍ଗ୍ ଅଲେତାନା, ଚିୟାଃତି ଆପେଦ ଏନ୍ ଏଡ୍‌କାନ୍‌ନିଃକେପେ ହାରାଅକିୟା ।

^{୧୪} ଏ ହନ୍‌କ, ଆଇଙ୍ଗ୍ ଆପେତାଃତେଇଙ୍ଗ୍ ଅଲକାଦା, ଚିୟାଃତି ଆପେଦ ଆପୁକେପେ ସାରିୟା । ହେ ଆପୁକ, ଆଇଙ୍ଗ୍

☆ ୨:୭ ୨:୭ ଯୋହାନ୍ ୧୩:୩୪.

ଆପେତାଃତେଇଙ୍ଗ ଅଲ୍ଲୀକାଦା, ଚିୟାଃଚି ଆପେଦ ଅତେଦିଶୁମ୍ବରାଃ ଏନେଚେଦ୍ ସିଦାରେ ମେନାଲ ଖ୍ରୀଷ୍ଟକେପେ ସାରିୟା । ଏ ସେପେଡେଦକ, ଆଇଙ୍ଗ ଆପେତାଃତେଇଙ୍ଗ ଅଲ୍ଲୀକାଦା, ଚିୟାଃଚି ଆପେଦ ପେଡେୟାନ୍‌କ ତାନ୍‌ପେ, ଆପେରେ ପାର୍‌ମେଶ୍ୱାର୍‌ଆଃ ବାଚାନ୍ ମେନାଃ ଆତଃ ଏଡକାନ୍‌ନିଃକେପେ ହାରାଅକିୟା ।

ଅତେଦିଶୁମ୍ବକେ ଆଲପେ ଦୁଲ୍ଲାଡ଼ାଃ

୧୫ ଆପେ ନେ ଅତେଦିଶୁମ୍ ଆତଃ ଅତେଦିଶୁମ୍ବରାଃ ଜେଡନାଃ ଆଲପେ ଦୁଲ୍ଲାଡେୟା । ଆପେ ନେ ଅତେଦିଶୁମ୍ବକେ ଦୁଲ୍ଲାଡେତାନ୍‌ରେଦ, ଆପୁ ପାର୍‌ମେଶ୍ୱାର୍‌ଆଃ ଦୁଲ୍ଲାଡ୍ ଆପେରେ ବାନଃଆ । ୧୬ ଚିୟାଃଚି ହଡ଼ମରେୟାଃ ଏଡକାନ୍ ସାନାଙ୍ଗ୍, ମେଦ୍‌ରେଆଃ ଏଡକାନ୍ ସାନାଙ୍ଗ୍, ଆତଃ ଆକଆଃ ମେନାଃତେୟାଃ ନାଙ୍ଗ୍ ଆପାନ୍‌କେ ମାରାଙ୍ଗ୍ ମେନ୍ତେ କାଜିନ୍‌ତେୟାଃ, ନେ ଅତେଦିଶୁମ୍ବରେ ତାଇନଃତାନ୍ ବିଷାଏ ତାନାଃ, ନେ ସବେନାଃ ଆପୁସାଃଏତେଦ କାହା, ମେନ୍‌ଦ ଅତେଦିଶୁମ୍‌ସାଃଏତେ ହିଜୁଃତାନା । ୧୭ ଅତେଦିଶୁମ୍ ଆତଃ ଏନାରେୟାଃ ସବେନ୍ ଏଡକାନ୍ ସୁକ୍‌ରାସକା ଜିୟନଃଆ, ମେନ୍‌ଦ ଜେତାଏ ପାର୍‌ମେଶ୍ୱାର୍‌ଆଃ ସାନାଙ୍ଗ୍ ଲେକା କାମିନିଃ ଜାନାଅ ଜାନାଅ ଜାକେଦ୍ ତାଇନାଏ ।

ୟୀଶୁ ଖ୍ରୀଷ୍ଟଆଃ ବାଇରି

୧୮ ହେ ଦୁଲ୍ଲାଡ୍, ହନ୍‌କ, ରୁଣ୍ଡୁ ଦିପିଲି ନାଡେଃକାନା, ଆତଃ ଖ୍ରୀଷ୍ଟଆଃ ବାଇରି ହିଜୁଃଆଏ ମେନ୍ତେପେ ଆୟୁମ୍‌କେଦ୍‌ଲେକା ନାହାଃହ ଯୀଶୁ ଖ୍ରୀଷ୍ଟଆଃ ବାଇରିକ ପୁରାଃଚି ମେନାକଆ, ଏନାତେ ରୁଣ୍ଡୁ ଦିପିଲି ନାଡେଃକାନା ମେନ୍ତେବୁ ଆଟ୍‌କାରେତାନା । ୧୯ ଇନ୍‌କୁ ଆବୁତାଃଏତେକ ଅତଙ୍ଗ୍‌ୟାନା ମେନ୍‌ଦ ଇନ୍‌କୁ ସାର୍‌ତିଗି ଆବୁଆଃ ମେନେସାରେ କାକ ତାଇକେନା, ଚିୟାଃଚି ଇନ୍‌କୁ ଆବୁଆଃ ମେନେସାରେ ତାଇକାନ୍‌ରେଦ ଆବୁଲଃକ ତାଇକାନ୍‌ତେୟାଃ ହନାଙ୍ଗ୍‌ଆଃ । ମେନ୍‌ଦ ଇନ୍‌କୁ ଯେ, ଆବୁଆଃ ଝୁଣ୍ଡୁରେନ୍ ନାହାଁଲକ, ଏନା ଜେ'ଲେକା ଉଦୁବଃଆ, ଏନାମେନ୍ତେ ଇନ୍‌କୁ ଆବୁଆଃ ଝୁଣ୍ଡୁଏତେ ଅତଙ୍ଗ୍‌ୟାନାକ ।

୨୦ ମେନ୍‌ଦ ଯୀଶୁ ଖ୍ରୀଷ୍ଟଆଃ ସାୟାଦ୍‌ତେ ପାବିତାର୍ ଆମ୍ନା ଆପେକେ ଆଭିଷେକ୍ କାଦ୍‌ପେୟା, ଆତଃ ଆପେ ସବେନ୍‌କ

ସାର୍ତ୍ତରେ ସାରିକାଦା । ୨୧ ଆପେ ସାର୍ତ୍ତ କାପେ ସାରିକାଦା ମେନ୍ତେଦ କାହା, ମେନ୍ଦ ଆପେ ସାର୍ତ୍ତକେପେ ସାରିତାନା, ଆତଃ ସାର୍ତ୍ତଏତେ ଜେତାନ୍ ହସଡ଼ କାଜି କା ଅତଃଅଥା ମେନ୍ତେ ସାରିତାନ୍ ହରାତେ ଆଇଙ୍ଗ ଆପେତାଃତେଇଙ୍ଗ ଅଲ୍‌କେଦା ।

୨୨ ଅକଏ ହସଡ଼ ତାନିଃ ? ଅକଏ ଯୀଶୁକେ ଜୀଉବାସ୍ତାଅନିଃ ଖ୍ରୀଷ୍ଟ ନାହାଁଲିଃ ମେନ୍ତେ କାଜିନିଃଗି ହସଡ଼ ତାନିଃ । ନେ ଲେକାନ୍ ହଡ଼ ଯୀଶୁ ଖ୍ରୀଷ୍ଟଆଃ ବାଇରି ତାନିଃ ଆତଃ ଇନିଃ ହନ୍ ଆତଃ ଆପୁ ବାରାନ୍‌କିନ୍‌କେ କାଏ ମାନାତିଙ୍ଗକିନା । ୨୩ ଜେତାଏ ହନ୍‌କେ କାଏ ମାନାତିଙ୍ଗନିଃ ଆପୁକେହ କାଏ ମାନାତିଙ୍ଗାଃ, ଜେତାଏ ହନ୍‌କେ ମାନାତିଙ୍ଗାଃ ଆପୁକେହ ମାନାତିଙ୍ଗାଃ ।

୨୪ ଆପେ ମୁନୁଏତେ ଆୟୁମାକାଦ କାଜି, ଆପେତାଃରେଗି ତାଇନକା । ଆପେ ମୁନୁଏତେ ଆୟୁମାକାଦ କାଜି, ଆପେତାଃରେଗି ତାଇନରେଦ, ଆପେୟ ହନ୍ ଆତଃ ଆପୁତାଃରେ ସବେନ୍ ଇମ୍‌ତାପେ ତାଇନା । ୨୫ ଆତଃ ଯୀଶୁ ଖ୍ରୀଷ୍ଟ ଏମାକାଦ୍‌ରୁ ବାନାର୍‌ସା କାଜିଗି ଜାନାଅ ଜୀଦାନ୍ ତାନାଃ ।

୨୬ ଆପେକେ ବେଦାପେ ନାଗେନ୍ତେ ସାନାଙ୍ଗତାନ୍ ହଡ଼କଆଃ ବିଷାଏରେ ଆଇଙ୍ଗ ଆପେତାଃତେ ନେଆଁଇଙ୍ଗ ଅଲେତାନା । ୨୭ ମେନ୍ଦ ଆପେକେ ଯୀଶୁ ଖ୍ରୀଷ୍ଟ ଆୟାଃ ପାବିତାର୍ ଆମ୍‌ତେ ଆଭିଷେକ୍ କାଦ୍‌ପେୟା । ନେ ପାବିତାର୍ ଆମ୍‌ ଆପେରେ ତାଇନ୍ ଜାକେଦ୍ ଏଟାଃକତାଃଏତେ ଆପେକେ ଇନିତୁ କା ଲାଗାତିଙ୍ଗାଃ । ତିୟାଃତି ପାବିତାର୍ ଆମ୍‌ ସବେନ୍ ବିଷାଏରେ ଆପେକେ ଇତୁପେୟା ଆତଃ ଆୟାଃ ଇନିତୁ ସାର୍ତ୍ତ ତାନାଃ ଏନା ହସଡ଼ ନାହାଁଲାଃ । ପାବିତାର୍ ଆମ୍‌ରାଃ ଏନ୍ ଇନିତୁକେ ମାନାତିଙ୍ଗକେଦ୍‌ତେ ଯୀଶୁ ଖ୍ରୀଷ୍ଟଲିଃ ମେନେସାରେ ତାଇନ୍‌ପେ ।

୨୮ ଏନାତେ ଏ ହନ୍‌କ, ଯୀଶୁ ଖ୍ରୀଷ୍ଟରେ ମେସାକେଦ୍‌ତେ ତାଇନ୍‌ପେ, ଏନ୍‌ରେଦ ଆୟାଃ ହିନିଜୁଃ ନେତାରେ ଜୀଉ କେଟେଦ୍‌କେଦ୍‌ତେରୁ ଦାରମିୟା ଆତଃ ଆବୁ ସବେନ୍‌କ ଆୟାଃ ଆୟାରରେ କାରୁ ଗିହୁଗଃଆ । ୨୯ ଆବୁ ସାରିୟାଃରୁ ଯେ, ଯୀଶୁ ଖ୍ରୀଷ୍ଟ ଧାର୍‌ମାନ୍‌ନିଃ ତାନିଃ, ନେଆଁହିଁ ସାରିୟାଃରୁ ଯେ, ଜେତାଏ ଧାର୍‌ମାନ୍‌ କାମି କାମିନିଃ ପାର୍‌ମେଗ୍‌ରଆଃ ହନ୍ ତାନିଃ ।

୩

ପାର୍ମେଶ୍ୱାରୀଆଃ ହନ୍କ

୧ ✧ ପାର୍ମେଶ୍ୱାରୀ ଆବୁକେ ଆୟାଃ ଦୁଲାଡ଼ତେ ଚିମିନାଙ୍ଗ ଦୁଲାଡ଼କେଦରୁଆଏ, ଏନା କାଟିଃ ଉଡ଼ୁଲେପେ । ଆବୁ ପାର୍ମେଶ୍ୱାରୀଆଃ ହନ୍କରୁ ନୁତୁମାକାନା । ଆଡ଼ଃ ଆବୁ ଆୟାଃ ହନ୍କଗି ତାନୁ । ଅତେଦିଶୁମ୍ ପାର୍ମେଶ୍ୱାରୀକେ କାଏ ସାରିୟା, ଏନାମେନ୍ତେ ଅତେଦିଶୁମ୍ ଆବୁକେ କାଏ ସାରିୟା । ୨ ହେ ଦୁଲାଡ଼, ହାଗା ମିଶିକ, ନାହିଁଃ ଆବୁ ପାର୍ମେଶ୍ୱାରୀଆଃ ହନ୍କ ତାନୁ, ମେନ୍ଦ ଦିଜୁଃତାନୁ ଦିପିଲିରେ ତିନାଃରୁ ହବାଅଃଆ ଏନା କା ସାରିୟାତାନା । ମେନ୍ଦ ଯୀଶୁ ଖ୍ରୀଷ୍ଟ ଆଡ଼ଃମିସା ହିଜୁଃରେ ଆବୁହ ଆୟାଃ ଲେକାଗିରୁ ହବାଅଃଆ, ଚିୟାଃତି ଇନିଃକେ ଆଇଃକ୍ଗି ତାନିଃ ଲେକାବୁ ନେଲିୟା । ୩ ଆଡ଼ଃ ଇନିଃରେ ଆସା ଦହକାଦକ, ଇନିଃ ଫାର୍ତିଗି ମେନାଇଲେକା, ଇନ୍କୁ ଫାର୍ତିଗିକ ତାଇନକା ।

୪ ଜେତାଏ ପାପ୍ ରିକାଏତାନିଃ, ପାର୍ମେଶ୍ୱାରୀଆଃ ଆନ୍ତୁକେ କାଏ ମାନାଡ଼ିଙ୍ଗ ତାନା, ଚିୟାଃତି ଆନ୍ତୁ କା ମାନାଡ଼ିଙ୍ଗତେୟାଃଗି ପାପ୍ ତାନାଃ । ୫ ✧ ଆପେ ସାରିତାନାପେ ଯେ, ଯୀଶୁ ଖ୍ରୀଷ୍ଟ ଆବୁଆଃ ପାପ୍ କ ଗଅଃଇଦି ନାଙ୍ଗ ହିଜୁଃୟାନାଏ ଆଡ଼ଃ ଇନିଃରେ ଜେତାନୁ ପାପ୍ ବାନଃଆ । ୬ ଜେତାଏ ଇନିଃରେ ତାଇନତାନିଃ ପାପ୍ କାମି କାଏ ରିକାୟା, ଆଡ଼ଃ ଜେତାଏ ପାପ୍ କାମିତାନିଃ ଇନିଃକେ ଚିଉଲାଇ କାଏ ନେଲାଇୟା ଚାଏ କାଏ ସାରିକାୟା ।

୭ ହେ ଦୁଲାଡ଼ ହନ୍କ, ଜେତାଏ ଆପେକେ ଆଲକାକ ବେଦାପେକା, ଜେତାଏ ବୁଗିନ୍ କାମି କାମିୟାଏ, ଇନିଃ ଏସକାର ଯୀଶୁ ଖ୍ରୀଷ୍ଟ ଲେକା ଧାର୍ମାନିଃ ତାନିଃ । ୮ ଆଡ଼ଃ ଜେତାଏ ପାପ୍ କାମି ରିକାତାନିଃ, ସାଏତାନରେନ୍ ତାନିଃ, ଚିୟାଃତି ସାଏତାନ ମୁନ୍ତୁଏତେ ପାପ୍ କାମି ରିକାଆଡ଼ତାନାଏ । ଏନ୍ ସାଏତାନରାଃ କାମିକେ ଜିୟନେ ନାଗେନ୍ତେ ପାର୍ମେଶ୍ୱାରୀଆଃ ହନ୍ ହିଜୁଃୟାନାଏ ।

୯ ଅକନକ ପାର୍ମେଶ୍ୱାରୀଆଃ ହନ୍ ତାନକ, ଇନ୍କୁ ପାପ୍ କାମିରେ କାକ ତାଇନା, ଚିୟାଃତି ପାର୍ମେଶ୍ୱାରୀଆଃ ସଭାବ୍ ଇନ୍କୁରେ ମେନାଃ, ଆଡ଼ଃ ପାର୍ମେଶ୍ୱାରୀ ଇନ୍କୁଆଃ ଆପୁ ତାନିଃ, ଏନାତେ

ଇନ୍ଦ୍ରକୁ ପାପରେ କାକ ତାଇନ୍ ଦାଡ଼ିୟା । ୧୦ ପାରମେଶ୍ଵରୁଆଃ ହନ୍କ ଆଡ଼ଃ ସାଏତାନ୍‌ଆଃ ହନ୍କ ଅକନ୍କ ତାନ୍କ, ଏନା ନେ'ଲେକାତେକ ସାରିୟଃଆ, ଜେତାଏ ଧାର୍ମାନ୍ କାମି କାଏ କାମିନିଃ, ତାଏ ବିଶ୍ଵାସୀ ହାଗା ମିଶିକେ କାଏ ଦୁଲ୍ଲାଡ଼ିନିଃ ପାରମେଶ୍ଵରୁଆଃ ହନ୍ ନାହାଁଲିଃ ।

ମିହୁଡ଼୍ ଆଡ଼ଃମିହୁଡ଼କେ ଦୁଲ୍ଲାଡ଼ିପେ

୧୧ ✨ଆବୁକେ ଦୁଲ୍ଲାଡ଼ରେ ତାଇନଃ ଲାଗାଡ଼ିଙ୍ଗ୍‌ୟାଃ, ନେଆଁଦ ଆପେ ମୁନ୍ନୁଏତେ ଆୟୁମକାଦ୍ କାଜି ତାନାଃ । ୧୨ ଆବୁ କୟିନ୍ ଲେକା କାରୁ ହବାଅଃଆ, ଇନିଃରେ ଏଡ଼କାନ୍ ଏସେର୍‌ୟାନା ଆଡ଼ଃ ହାଗାତେ ହାବିଲ୍‌କେ ଗଏଃକିୟା । କୟିନ୍ ହାଗାତେକେ ଚିନାଃ ନାଗେନ୍ତେ ଗଏଃକିୟା ? ଚିୟାଃଚି କୟିନ୍‌ଆଃ କାମି ଏଡ଼କାନାଃ ଆଡ଼ଃ ହାଗାତେୟାଃ କାମି ଠାଉକାତେୟାଃ ତାଇକେନା ।

୧୩ ଏନାତେ ହେ ହାଗା ମିଶିକ, ନେ ଅତେଦିଶୁମ୍‌ରେନ୍ ହଡ଼କ ଆପେକେ ହିଲ୍ଲାଙ୍ଗ୍‌ପେରେ ଆଲ୍‌ପେ ହାଏକାଟଃଆ । ୧୪ ✨ଆବୁ ଖ୍ରୀଷ୍ଟ୍ ହାଗା ମିଶିକକେବୁ ଦୁଲ୍ଲାଡ଼କ୍ ତାନ୍‌ରେଦ୍, ଆବୁ ଗନଏଃକେ ପାରମ୍‌କେଦ୍‌ତେ ଜୀଦାନ୍‌ରେବୁ ବଲ୍‌କାନା ଏନାବୁ ସାରିତାନା । ଜେତାଏ କାଏ ଦୁଲ୍ଲାଡ଼୍‌ତାନ୍‌ନିଃ ନାହାଁଃ ଜାକେଦ୍ ଗନଏଃରେୟାଃ ଆକ୍‌ତେୟାରରେ ମେନାଲ୍‌ୟା । ୧୫ ଜେତାଏ ଖ୍ରୀଷ୍ଟ୍ ହାଗା ମିଶିକେ ହିଲ୍ଲାଙ୍ଗ୍‌ନିଃ, ହଡ଼ ଗଗଏଃନିଃ ତାନିଃ । ଆଡ଼ଃ ହଡ଼ ଗଗଏଃନିୟାଃ ଜାନାଅ ଜୀଦାନ୍ ବାନଃଆ ମେନ୍ତେ ଆପେ ସାରିତାନା । ୧୬ ଯୀଶୁ ଖ୍ରୀଷ୍ଟ୍ ଆବୁ ନାଙ୍ଗ୍ ଆୟାଃ ଜୀଉ ଏମ୍‌କେଦାଏ ଏନାତେ ଆବୁ ଦୁଲ୍ଲାଡ଼୍, ଚିନାଃ ତାନା ଏନାବୁ ସାରିତାନା । ଆଡ଼ଃ ଆବୁକେୟ ଖ୍ରୀଷ୍ଟ୍ ହାଗା ମିଶିକ ନାଗେନ୍ତେ ଆବୁଆଃ ଜୀଉ ଏମ୍ ଲାଗାଡ଼ିଙ୍ଗ୍‌ୟାଃ । ୧୭ ଜେତା ହଡ଼ ଅତେଦିଶୁମ୍ ଲେକା ଆୟାଃ ମେନାଃତେୟାଃକ ପୁରାଃଗି ତାଇନ୍‌କେଦ୍‌ତେ ଖ୍ରୀଷ୍ଟ୍ ହାଗା ମିଶି ଜାଞ୍ଜିୟାତାନ୍ ନେଲ୍‌ରେୟ ଇନିଃ ନାଗେନ୍ତେ ଆୟାଃ ମନ୍‌ସୁରୁଦ୍‌କେ କେଟେଜେରେଦ୍, ଇନିଃ ଚିଲ୍‌କାତେ ଆଇଙ୍ଗ୍ ପାରମେଶ୍ଵରୁକେ ଦୁଲ୍ଲାଡ଼୍, ତାନାଲ୍‌ଙ୍ଗ୍ ମେନ୍ତେ କାଜିୟାଏ ? ୧୮ ଏ ହନ୍କ, ଆବୁଆଃ ଦୁଲ୍ଲାଡ଼୍, କାଜିତେ ତାଏ

✨ ୩:୧୧ ୩:୧୧ ଯୋହାନ୍ ୧୩:୩୪.

✨ ୩:୧୪ ୩:୧୪ ଯୋହାନ୍ ୫:୨୪.

ଜାଗାରେତେ ଏସ୍‌କାର୍ ଆଲକା ହବାଅଃକା, ମେନ୍‌ଦ ସାର୍‌ତିତେ ଆତଃ କାମିତେ ଉଦୁବ୍ ଲାଗାତିଙ୍ଗ୍‌ୟାଃ ।

୧୯ ଆବୁଆଃ କାଜିକାମି ହରାତେ ଆବୁ ସାନାର୍‌ତିରେନ୍ ହନ୍‌କ ତାନ୍‌ରୁ ମେନ୍‌ଡେ ମନ୍‌ରେ ଆର୍‌କାର୍ ଦାଡ଼ିୟାବୁ । ୨୦ ଆବୁଆଃ ମନ୍‌ସୁରୁଦ୍ ଆବୁକେ ଚିଟାବୁରେଦ୍, ପାର୍‌ମେଶ୍‌ବାର୍ ଆବୁଆଃ ମନ୍‌ସୁରୁଦ୍‌ହେତେ ପୁରାଃ ମାରାଙ୍ଗ୍ ତାନିଃ, ଇନିଃ ସବେନାଃ ସାରିୟାଏ । ୨୧ ଏନାତେ ହେ ଦୁଲ୍ଲାଡ୍ ହାଗା ମିଶିକ, ଆବୁଆଃ ମନ୍‌ସୁରୁଦ୍ କାଏ ଚିଟାବୁରେଦ୍, ଆବୁ ପାର୍‌ମେଶ୍‌ବାର୍‌ଆଃ ସାମ୍‌ନାଙ୍ଗ୍‌ରେ ବେଗାର୍ ବରତେ ତିଙ୍ଗ୍‌ନ୍‌ରୁ ଦାଡ଼ିୟା । ୨୨ ଆତଃ ଆବୁ ଆସିତେୟାଃ ସବେନାଃ, ଇନିଃ ଆବୁକେ ଏମାବୁଆ, ଚିୟାଃଚି ଆବୁ ଆୟାଃ ଆନାରୁକବୁ ମାନାତିଙ୍ଗ୍ ତାନା ଆତଃ ଆୟାଃ ସୁକୁଆନ୍ ଲେକାବୁ କାମିତାନା । ୨୩ ✽ଆବୁ ଆୟାଃ ହନ୍ ଯୀଶୁ ଖ୍ରୀଷ୍ଟ୍‌ଆଃ ନୁତୁମ୍‌ରେବୁ ବିଶ୍ୱାସେକା ଆତଃ ଯୀଶୁ ଖ୍ରୀଷ୍ଟ୍ ଏମାକାଦ୍ ଆନାରୁ ଲେକା ମିହୁଡ୍ ଆତଃମିହୁଡ୍‌ଲଃ ଦୁଲ୍ଲାଡ୍‌ରେବୁ ତାଇନ୍‌କା । ୨୪ ଜେତାଏ ପାର୍‌ମେଶ୍‌ବାର୍‌ଆଃ ଆନାରୁ ମାନାତିଙ୍ଗ୍‌ନିଃ ପାର୍‌ମେଶ୍‌ବାର୍‌ରେ ତାଇନା, ଆତଃ ପାର୍‌ମେଶ୍‌ବାର୍ ଇନିଃରେ ତାଇନା । ନେଆଁ ପାର୍‌ମେଶ୍‌ବାର୍ ଆବୁକେ ଏମାକାଦ୍‌ବୁ ପାବିତାର୍ ଆମ୍ବା ହରାତେ ପାର୍‌ମେଶ୍‌ବାର୍ ଆବୁରେ ମେନାଇୟା ମେନ୍‌ଡେବୁ ସାରିୟା ।

୪

ପାର୍‌ମେଶ୍‌ବାର୍‌ଆଃ ଆମ୍ବା ଆତଃ ହସଡ୍ ଆମ୍ବା

୧ ହେ ଦୁଲ୍ଲାଡ୍ ହାଗା ମିଶିକ, ପାର୍‌ମେଶ୍‌ବାର୍‌ତାଃଏତେ ଆମ୍ବା ନାମାକାଦାଲେ ମେନ୍‌ଡେ କାଜିତାନ୍ ସବେନ୍‌କକେ ଆଲ୍‌ପେ ବିଶ୍ୱାସକଥା, ଇନ୍‌କୁ ନାମାକାଦ୍ ଆମ୍ବା ପାର୍‌ମେଶ୍‌ବାର୍‌ତାଃଏତେ ହିଜୁଃକାନାଚି କାହା ଏନା ବିଡାଅକୁପେ, ଚିୟାଃଚି ପୁରାଃ ହସଡ୍ ନାବୀକ ଅତେଦିଶ୍ଟୁମ୍‌ରେକ ଅତଙ୍ଗ୍‌କାନା । ୨ ନେ'ଲେକାତେ ଆପେ ପାର୍‌ମେଶ୍‌ବାର୍‌ଆଃ ଆମ୍ବାକେପେ ନେଲ୍‌ଉରୁମିଆ, ଯୀଶୁ ଖ୍ରୀଷ୍ଟ୍ ମାନଞ୍ଜା ରୁପ୍‌ରେ ହିଜୁଃକାନା ମେନ୍‌ଡେ ମାନାତିଙ୍ଗ୍‌ତାନ୍ ସବେନ୍ ଆମ୍ବାକ ପାର୍‌ମେଶ୍‌ବାର୍‌ତାଃଏତେ ହିଜୁଃକାନା । ୩ ମେନ୍‌ଦ ଜେତାଏ

✽ ୩:୨୩ ୩:୨୩ ଯୋହାନ୍ ୧୩:୩୪; ୧୫:୧୨, ୧୭.

ୟୀଶୁ ଖ୍ରୀଷ୍ଟୁଆଃ ବିଷାଏରେ ନେ କାଜି କା ମାନାତିଙ୍ଗତାନନିଃ ପାର୍ମେଶ୍ଵାରୁଆଃ ଆମ୍ବା କାଏ ନାମ୍ । ଇନିଃଦ ଖ୍ରୀଷ୍ଟୁଆଃ ବାଇରିତାଃଏତେ ହିଜୁଃକାନ୍ ଆମ୍ବାକେ ନାମ୍ବାଦା । ଇନିଃ ହିଜୁଃଆଏ ମେନ୍ତେପେ ଆୟୁମାକାଦ୍ ତାଇକେନନିଃ ନାହାଃଗି ଅତେଦିଶୁମ୍ରେ ମେନାଇୟା ।

୪ ହେ ଦୁଲାଡ୍ ହନକ, ଆପେଦ ପାର୍ମେଶ୍ଵାରୁଆଃ ତାନପେ ଆତଃ ଏନ୍ ହସଡ୍ ନାବୀକକେ ହାରାଅକାଦକଆପେ, ଚିୟାଃଟି ଆପେୟାଃ ମନ୍ସୁରୁଦ୍ରେ ତାଇନତାନ୍ ପାର୍ମେଶ୍ଵାରୁଆଃ ଆମ୍ବା ନେ ଅତେଦିଶୁମ୍ରେନ୍ ହଡକତାଃରେ ତାଇନତାନ୍ ଆମ୍ବାଏତେ ପୁରାଃ ପେଡେୟାନ୍ଗିୟାଏ । ୫ ହସଡ୍ ନାବୀକ ଅତେଦିଶୁମ୍ରେନ୍ ତାନକ, ଇନ୍କୁ ନେ ଅତେଦିଶୁମ୍ରେୟାଃ କାଜିକ କାଜିତାନା ଆତଃ ଅତେଦିଶୁମ୍ରେନ୍ ହଡକ ଇନ୍କୁଆଃ କାଜିକ ଆୟୁମାଃ । ୬ ମେନ୍ଦ ଆବୁ ପାର୍ମେଶ୍ଵାରୁଆଃ ତାନବୁ । ଜେତାଏ ପାର୍ମେଶ୍ଵାରୁକେ ସାରିନିଃ, ଆବୁଆଃ କାଜି ଆୟୁମାଃଏ । ଜେତାଏ ପାର୍ମେଶ୍ଵାରୁକେ କାଏ ସାରିନିଃ, ଆବୁଆଃ କାଜି କାଏ ଆୟୁମାଃ । ନେଲେକାତେ ଆବୁ ସାନାରତିରେନ୍ ଆମ୍ବା ଆତଃ ହସଡ୍ରେନ୍ ଆମ୍ବାକେବୁ ନେଲଭରୁମ୍ ଦାଡିୟା ।

ମିହୁଡ୍ ଆତଃମିହୁଡ୍ଲଃ ଦୁପୁଲାଡ୍ପେ

୭ ହେ ଦୁଲାଡ୍ ହାଗା ମିଶିକ, ଦୁପୁଲାଡ୍ରେବୁ ତାଇନା, ଚିୟାଃଟି ଦୁଲାଡ୍ ପାର୍ମେଶ୍ଵାରୁତାଃଏତେ ହିଜୁଃଆ । ଜେତାଏ ଦୁଲାଡ୍ନିଃ ପାର୍ମେଶ୍ଵାରୁଆଃ ହନ୍ ତାନିଃ, ଆତଃ ପାର୍ମେଶ୍ଵାରୁକେ ସାରିତାନା । ୮ ଜେତାଏ କାଏ ଦୁଲାଡ୍ନିଃ ପାର୍ମେଶ୍ଵାରୁକେ କାଏ ସାରିୟା, ଚିୟାଃଟି ପାର୍ମେଶ୍ଵାରୁ ଦୁଲାଡ୍ନିଃ ତାନିଃ । ୯ ଆବୁ ଯୀଶୁ ଖ୍ରୀଷ୍ଟୁଆଃ ହରାତେ ଜାନାଅ ଜୀଦାନ୍ ନାମେ ନାଗେନ୍ତେ ପାର୍ମେଶ୍ଵାରୁ ଆୟାଃ ମିଆଁଦ୍ଗି ହନ୍ ଯୀଶୁ ଖ୍ରୀଷ୍ଟୁକେ ଅତେଦିଶୁମ୍ତେ କୁଲକିୟା, ନେଆଁତେ ପାର୍ମେଶ୍ଵାରୁଆଃ ଦୁଲାଡ୍ ଆବୁ ନାଙ୍ଗ୍ ଉଦୁର୍ୟାନା । ୧୦ ନେଆଁଗି ସାରତି ଦୁଲାଡ୍ ତାନାଃ, ଆବୁ ପାର୍ମେଶ୍ଵାରୁକେବୁ ଦୁଲାଡ୍କିୟା ଏନାତେଦ କାହା, ମେନ୍ଦ ଇନିଃ ଆବୁକେ ଦୁଲାଡ୍କେଦ୍ବୁଆ ଆତଃ ଆବୁଆଃ ପାପ୍ ଛାମା ନାଗେନ୍ତେ ଆୟାଃ ହନ୍କେ କୁଲକିୟା ।

୧୧ ହେ ଦୁଲାଡ଼ ହାଗା ମିଶିକ, ପାରମ୍ପୋଶ୍ଵାର ଆବୁକେ ନେ'ଲେକା ଦୁଲାଡ଼ବୁତାନରେଦ, ଆବୁକେୟ ଏନ୍ ଲେକା ଦୁପୁଲାଡ଼ରେ ତାଇନ୍ ଲାଗାଡ଼ିଙ୍ଗୟାଃ । ୧୨ *ପାରମ୍ପୋଶ୍ଵାରକେ ଜେତାଏ ଚିୟାଃତ୍ତ କାଏ ନେଲ୍, ମେନ୍ଦ ଆବୁ ଦୁପୁଲାଡ଼ରେ ତାଇନ୍ରେଦ ପାରମ୍ପୋଶ୍ଵାର ଆବୁଲଃ ମେନାଲୟା, ଆଡ଼ଃ ଆୟାଃ ଦୁଲାଡ଼୍ ଆବୁତାଃରେ ପକ୍ତାକାନା ।

୧୩ ଆବୁ ପାରମ୍ପୋଶ୍ଵାରଲଃ ତାଇନ୍ତାନାବୁ ଆଡ଼ଃ ଇନିଃ ଆବୁଲଃ ତାଇନ୍ତାନାଏ, ଏନାବୁ ସାରିତାନା, ଚିୟାଃତି ଇନିଃ ଆବୁକେ ଆୟାଃ ଆମ୍ପାରାଃ ମେନେସା ଏନାକାଦ୍‌ବୁଆଏ । ୧୪ ଅତେଦିଶ୍ଵମ୍ପରାଃ ବାଞ୍ଚାଅନିଃ ହବାଅଃ ନାଗେନ୍ତେ ଆପୁ ପାରମ୍ପୋଶ୍ଵାର ଆୟାଃ ହନ୍‌କେ କୁଲ୍‌କିୟା । ଆବୁ ଇନିଃକେ ନେଲ୍‌କେଦ୍‌ତେ ଇନିୟାଃ ବିଷାଏରେ ଏଟାଃକକେବୁ ଉଦୁବ୍‌କତାନା । ୧୫ ଜେତାଏ ଯାଶୁ ଖ୍ରୀଷ୍ଟକେ ପାରମ୍ପୋଶ୍ଵାରଆଃ ହନ୍ ତାନିଃ ମେନ୍ତେ ମାନାଡ଼ିଙ୍ଗତାନରେଦ, ପାରମ୍ପୋଶ୍ଵାର ଇନିଃରେ ତାଇନ୍ତାନା ଆଡ଼ଃ ଇନିଃ ପାରମ୍ପୋଶ୍ଵାରତାଃରେ ତାଇନ୍ତାନା । ୧୬ ଆଡ଼ଃ ପାରମ୍ପୋଶ୍ଵାର ଆବୁକେ ଦୁଲାଡ଼ବୁ ତାନ୍‌ତେୟାଃ ସାରିତାନାବୁ ଆଡ଼ଃ ଏନାରେ ଆବୁଆଃ ପୁରାଃ ବିଶ୍ଵାସ୍ ମେନାଃ । ପାରମ୍ପୋଶ୍ଵାର ଦୁଲାଡ଼୍ ତାନିଃ, ଜେତାଏ ଦୁଲାଡ଼ରେ ତାଇନ୍‌ନିଃ ପାରମ୍ପୋଶ୍ଵାରରେ ତାଇନା ଆଡ଼ଃ ପାରମ୍ପୋଶ୍ଵାର ଇନିଃରେ ତାଇନା । ୧୭ ଆବୁଆଃ ଜୀଦାନରେ ନେ ଦୁଲାଡ଼୍ ପକ୍ତାକାନାନ୍‌ଗି ତାଇନଃରେଦ, ଆବୁ ବେଗାର୍ ବରକେଦ୍‌ତେ ବିଚାର୍ ହୁଲାଙ୍ଗ୍‌ରେୟାଃ ଆୟାରରେ ତିଙ୍ଗୁନ୍‌ବୁ ଦାଡ଼ିୟା, ଚିୟାଃତି ନେ ଅତେଦିଶ୍ଵମ୍ପରେ ତାଇନ୍‌କେଦ୍‌ତେ ଆବୁହ ଯାଶୁ ଖ୍ରୀଷ୍ଟ ଲେକା ଜୀଞ୍ଜାନ୍ ବିତାଅ ତାନାବୁ । ୧୮ ଦୁଲାଡ଼ରେ ବର ବାନଃଆ, ମେନ୍ଦ ପକ୍ତାକାନା ଦୁଲାଡ଼୍ ସବେନ୍ ବରକେ ସାଙ୍ଗିନେଆଁ । ଜେତାଏ ବରତାନିଃ ଦୁଲାଡ଼ରେ କାଏ ପକ୍ତାକାନା, ଚିୟାଃତି ସାଜାଇ ନାମେରେୟାଃ ବର ଇନିଃରେ ମେନାଃ ।

୧୯ ପାରମ୍ପୋଶ୍ଵାର ଆବୁକେ ପାହିଲା ଦୁଲାଡ଼କେଦ୍‌ବୁ ହରାତେ ଆବୁ ଦୁଲାଡ଼୍ ତାନାବୁ । ୨୦ ଜେତାଏ ପାରମ୍ପୋଶ୍ଵାରକେ ଦୁଲାଡ଼୍ ତାନିଙ୍ଗ୍ ମେନ୍ତେ କାଜିକେଦ୍‌ତେ ଖ୍ରୀଷ୍ଟ୍ ହାଗା ଚାଏ ମିଶିକେ ହିଲାଙ୍ଗ୍‌ରେଦ, ଇନିଃ ହସଡ଼ ତାନିଃ । ନେଲାକାଇ ହାଗା ଚାଏ ମିଶିକେ କାଏ

* ୪:୧୨ ୪:୧୨ ଯୋହାନ୍ ୧:୧୮.

ଦୁଲାଡ଼ରେଦ, କା ନେଲାକାଇ ପାର୍ମେଶ୍ଵାରକେ ଚିତ୍ତଲାଅ କାଏ ଦୁଲାଡ଼ ଦାଡ଼ିୟା । ^{୨୧} ଜେତାଏ ପାର୍ମେଶ୍ଵାରକେ ଦୁଲାଡ଼ିତାନନିଃ ଖ୍ରୀଷ୍ଟ ହାଗା ଚାଏ ମିଶିକେହିଁ ଦୁଲାଡ଼ିକାଏ, ନେ ଆନାରୁ ଆବୁ ଯୀଶୁ ଖ୍ରୀଷ୍ଟତାଃଏତେ ନାମାକାଦାରୁ ।

୫

ଅତେଦିଶୁମକେ ଜିତାଅ

^୧ ଜେତାଏ ଯୀଶୁକେ ଖ୍ରୀଷ୍ଟ ତାନିଃ ମେନ୍ତେ ବିଶ୍ଵାସ୍ତାନନିଃ ପାର୍ମେଶ୍ଵାରଆଃ ହନ୍ ତାନିଃ, ଆଡ଼ଃ ଜେତାଏ ଆପୁକେ ଦୁଲାଡ଼ନିଃ, ଏନ୍ ଆପୁତେୟାଃ ହନ୍କେହିଁ ଦୁଲାଡ଼ିୟାଏ । ^୨ ଆବୁ ପାର୍ମେଶ୍ଵାରକେ ଦୁଲାଡ଼କେଦ୍ତେ ଆୟାଃ ଆନାରୁକରୁ ମାନାଡ଼ିଙ୍ଗତାନରେଦ, ନେଆଁତେରୁ ସାରିତାନା ଯେ, ଆବୁ ପାର୍ମେଶ୍ଵାରଆଃ ହନ୍କରୁ ଦୁଲାଡ଼କ ତାନା । ^୩ ☆ପାର୍ମେଶ୍ଵାରଆଃ ଆନାରୁକ ମାନାଡ଼ିଙ୍ଗତେୟାଃଗି ପାର୍ମେଶ୍ଵାରକେ ଦୁଲାଡ଼ତେୟାଃ ତାନାଃ । ଆଡ଼ଃ ଆୟାଃ ଆନାରୁକ ମାନାଡ଼ିଙ୍ଗ ନାଙ୍ଗ୍ କା ହାମ୍ପାଲାଃ । ^୪ ଚିୟାଃଚି ପାର୍ମେଶ୍ଵାରଆଃ ସବେନ୍ ହନ୍କ ନେ ଅତେଦିଶୁମକେ ହାରାଅ ନାଗେନ୍ତେ ପେଡ଼େଃକ ନାମାକାଦା । ଆବୁ ବିଶ୍ଵାସ୍ତେ ନେ ଅତେଦିଶୁମକେ ଜିତାଅ ଦାଡ଼ିୟାରୁ । ^୫ ଯୀଶୁକେ ପାର୍ମେଶ୍ଵାରଆଃ ହନ୍ ତାନିଃ ମେନ୍ତେ ବିଶ୍ଵାସ୍ତାନନିଃ ଏସକାର୍ ଅତେଦିଶୁମକେ ଜିତାଅ ଦାଡ଼ିୟାଏ ।

ଯୀଶୁ ଖ୍ରୀଷ୍ଟଆଃ ବିଷାଏରେ ଗାଞ୍ଜା

^୬ ଏନ୍ ଯୀଶୁ ଖ୍ରୀଷ୍ଟ ଦାଆଃରେ ବାପ୍ତିସ୍ମା ଇଦିକେଦ୍ତେ ଆୟାଃ କାମି ଏଟେଦକାଦ୍ ତାଇକେନା, ଆଡ଼ଃ ଆୟାଃ ମାୟୋମ୍ ଲିଙ୍ଗିକେଦ୍ତେ ମାନଖାରାଃ ଜୀଉବାଞ୍ଚାଅ ରିକା ଦାଡ଼ିକେଦାଏ । ଦାଆଃତେ ଏସକାର୍ କାହାଗି ମେନ୍ଦ ବାରାନାଃ ଦାଆଃ ଆଡ଼ଃ ମାୟୋମ୍ ହରାତେ ହିଜୁଃୟାନା । ନେଆଁ ସାର୍ତି ତାନାଃ ମେନ୍ତେ ପାବିତାର୍ ଆମ୍ବା ଆଇଃକଗି ଗାଞ୍ଜା ଏମେତାନା, ଚିୟାଃଚି ପାବିତାର୍ ଆମ୍ବା ସାର୍ତି ତାନିଃ । ^୭ ଆଡ଼ଃ ନେ ଆପିୟା ଗାଞ୍ଜା ମେନାଃ : 「ଆମ୍ବା, ଦାଆଃ, ଆଡ଼ଃ ମାୟୋମ୍, ନେ ଆପିୟା ଗାଞ୍ଜା ମିଦ୍ଗିୟା । ^୮ ଆବୁ

☆ ୫:୩ ୫:୩ ଯୋହାନ୍ ୧୪:୧୫.

ହତକଥା ଗାଞ୍ଜାକୁ ମାନାତିକ୍ତତାରେ, ପାର୍ମେଶ୍ଵର ଆଠ ଗାଞ୍ଜା ଏନାଏତେ ମାରାକ୍ତା, ଆତଃ ପାର୍ମେଶ୍ଵର ଆଠ ଗାଞ୍ଜା ନେଆଁ ତାନାଃ ଯେ, ପାର୍ମେଶ୍ଵର ଆଠକ୍ତା ଆୟାଃ ହନ୍ ବିଷାଏରେ ଗାଞ୍ଜା ଏମାକାଦାଏ । ^{୧୦} ଜେତାଏ ପାର୍ମେଶ୍ଵର ଆଠ ହନ୍ତାଃରେ ବିଶ୍ଵାସେନିଃ, ଆୟାଃ ମନ୍ସୁରୁଦ୍ରେ ଗାଞ୍ଜା ନାମାକାଦାଏ, ମେନ୍ଦ୍ ଜେତାଏ ପାର୍ମେଶ୍ଵରତାଃରେ କା ବିଶ୍ଵାସେନିଃ ହସତ୍ ବାଈୟାକାନାଏ, ଚିୟାଃତି ପାର୍ମେଶ୍ଵର ଆୟାଃ ଆପ୍ନାଃ ହନ୍ ବିଷାଏରେ କାଜିକାଦ୍ରେୟାଃ ଇନିଃ କାଏ ବିଶ୍ଵାସ୍ତକେଦା । ^{୧୧} ଏନ୍ ଗାଞ୍ଜା ନେଆଁ ତାନାଃ, ପାର୍ମେଶ୍ଵର ଆବୁକେ ଜାନାଅ ଜୀଦାନ୍ ଏମାକାଦ୍ବୁଆଏ, ଆତଃ ଏନ୍ ଜୀଦାନ୍ ଆୟାଃ ହନ୍ତାଃରେ ମେନାଃ । ^{୧୨} ଜେତାଏତାଃରେ ପାର୍ମେଶ୍ଵର ଆଠ ହନ୍ ମେନାଈୟା, ଇନିଃ ଜୀଦାନ୍ ନାମାକାଦାଏ, ଆତଃ ଜେତାଏତାଃରେ ପାର୍ମେଶ୍ଵର ଆଠ ହନ୍ ବାଈୟାଈୟା, ଇନିଃ ଜୀଦାନ୍ତି କାଏ ନାମ୍ ।

ଜାନାଅ ଜୀଦାନ୍

^{୧୩} ଆପେରେ ଜାନାଅ ଜୀଦାନ୍ରେୟାଃ ଜୀଦାନ୍ ମେନାଃ ଏନାପେ ଆଟ୍ଟକାରେକା ମେନ୍ତେ ଆପେ ପାର୍ମେଶ୍ଵର ଆଠ ହନ୍ ଆଠ ନୁତ୍ତମ୍ରେ ବିଶ୍ଵାସ୍ତାନାପେ, ଏନାମେନ୍ତେ ଆଈକ୍ତ ଆପେତାଃ ନେ ସବେନାଈକ୍ତ ଅଲେତାନା । ^{୧୪} ଆବୁ ବେଗାର୍ ବରତେ ପାର୍ମେଶ୍ଵର ଆଠ ଆୟାରେ ହିଜୁଃକୁ ଦାଡ଼ିୟା, ଚିୟାଈତି ଆବୁ ଜେତ୍ନାଈ ଆୟାଈ ଈକ୍ତା ଲେକାବୁ ଆସିରେଦ୍, ଇନିଃ ଆବୁଆଈ ବିକ୍ତି ଆୟୁମେୟାଏ । ^{୧୫} ଆତଃ ଆବୁ ଆୟାଈତାଈରେ ବିକ୍ତିକେଦ୍ରେ ଜେତ୍ନାଈ ଆସିରେୟାଈ ଏନା ଆୟୁମାଈଏ, ଏନା ସାର୍ତି ତାନାଈ ମେନ୍ତେକୁ ସାରିତାନା । ଏନାତେ ଆବୁ ଆୟାଈତାଈରେ ବିକ୍ତିକେଦ୍ରେ ଆସିକାଦ୍ରେୟାଈ ନାମାକାଦାବୁ ଏନାହିତି ସାରିତାନାବୁ ।

^{୧୬} ଜେତାଏ ଆପେୟାଈ ଖ୍ରୀଷ୍ଟ୍ ହାଗା ଚାଏ ମିଶିକେ ପାପ୍ କାମିତାନ୍ ନେଲିରେ ଆତଃ ଏନ୍ ପାପ୍ ଗଜଃ ଲେକାନାଈ କା ତାଈନ୍ରେ, ଇନିଈ ନାଗେନ୍ତେ ପାର୍ମେଶ୍ଵରତାଈରେ ବିକ୍ତିପେ, ଆତଃ ପାର୍ମେଶ୍ଵର କା ଗଜଈଲେକାନ୍ ପାପ୍ କାମିକାଦ୍ ହତକକେ ଜୀଦାନ୍ ଏମାକାତାନ୍ଲେକା, ଇନିଈକେହ୍ ଜୀଦାନ୍ ଏମ୍ଦାଡ଼ିୟାଏ । ଚିମିନ୍ ପାପ୍ କେ ମେନାଈ ଅକ୍ନାଈତି ଗନଏଠତେ ଇଦିୟାଏ, ଏନ୍ ବିଷାଏରେ

☆ ୫:୧୧ ୫:୧୧ ଯୋହାନ୍ ୩:୩୭.

ପାର୍ମେଶ୍ଵାର୍‌ତାଃରେ ବିକ୍ରିପେ ମେନ୍ତେ ଆଇଙ୍ଗ୍ କାଇଙ୍ଗ୍ କାଜିତାନା ।
 ୧୭ ସବେନ୍ ଏଡକାନ୍ କାମିଗି ପାପ୍ ତାନାଃ, ମେନ୍ଦ ସବେନ୍ ପାପ୍
 ଗଜଃଲେକାନାଃ ନାହାଁଲାଃ ।

୧୮ ପାର୍ମେଶ୍ଵାର୍‌ରେ ମେନାଇନିଃ ପାପ୍‌ରେ କାଏ ତାଇନ୍ ଦାଡ଼ିୟା
 ମେନ୍ତେ ଆବୁ ସାରିତାନା, ଚିୟାଃତି ପାର୍ମେଶ୍ଵାର୍‌ଆଃ ହନ୍ ଇନିଃକେ
 ବାଞ୍ଛାଅଇୟା, ଆଡ଼ଃ ସାଏତାନ୍ ଇନିୟାଃ ଜେଡ଼ନାଃ ଏଡକାନ୍ ରିକା
 କାଏ ଦାଡ଼ିୟା ।

୧୯ ଆବୁ ସାରିତାନାବୁ, ଗଟା ଅତେଦିଶ୍ଟାମ୍ ଏଡକାନ୍‌ନିଆଃ
 ଆବରରେ ମେନାଃରେୟ, ଆବୁ ପାର୍ମେଶ୍ଵାର୍‌ଆଃ ତାନବୁ ।

୨୦ ଆଡ଼ଃ ପାର୍ମେଶ୍ଵାର୍‌ଆଃ ହନ୍ ହିଜୁଃକେଦ୍‌ତେ ସାର୍‌ତି
 ପାର୍ମେଶ୍ଵାର୍‌କେ ଆବ୍‌କାର୍‌ଉରୁମ୍ ନାଗେନ୍ତେ ଆବୁକେ ସେଣାଁ
 ଏମାକାଦ୍‌ବୁଆଏ । ଆବୁ ସାର୍‌ତି ପାର୍ମେଶ୍ଵାର୍‌ରେ ଆଡ଼ଃ ଆୟାଃ
 ହନ୍ ଯାଶୁ ଖ୍ରୀଷ୍ଟ୍‌ରେ ମେନାବୁଆ । ଇନିଃଗି ସାର୍‌ତି ପାର୍ମେଶ୍ଵାର୍
 ଆଡ଼ଃ ଜାନାଅ ଜୀଦାନ୍ ତାନିଃ ।

୨୧ ହେ ଦୁଲାଡ୍, ହନ୍‌କ, ମୁରୁଡ୍ ବଙ୍ଗାକତାଃଏତେ ସାଙ୍ଗିନ୍‌ରେ
 ତାଇନ୍‌ପେ ।

ପାରମେଶ୍ଵାରଆଃ ଜୀନିଦ୍ ବାଚାନ୍
The New Testament in the Munda language of India:
ପାରମେଶ୍ଵାରଆଃ ଜୀନିଦ୍ ବାଚାନ୍

copyright © 2020 The Word for the World International

Language: ମୁଞ୍ଡା (Muṅḍa) (Munda)

Contributor: The Word for the World International

ପାରମେଶ୍ଵାରଆଃ ଜୀନିଦ୍ ବାଚାନ୍
ନାଞ୍ଚା ନିୟମ୍ , 2020

The New Testament in Munda Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 22 Feb 2024 from source files dated 14 Apr 2023

903abb6b-97c3-582d-9df8-a6a8f2fce6d6